

金匱懸解卷六

昌邑黃元御坤載著

長沙徐樹銘校

外感雜病

百合狐惑陰陽毒

百合狐惑陰毒陽毒非同氣也而狐惑之神思迷亂有似百合陽毒之膿血腐敗頗類狐惑不同之中未嘗無相同之象而皆有表邪則同也百合之病有得於吐下發汗者有不經吐下發汗者是傷寒之變證也狐惑之病狀類傷寒是傷寒之類證也陽毒陰毒之病服藥取汗是傷寒之別證也其病氣之變現因於本氣之鬱發然非有表邪之外束則本氣何由而鬱發也此可以會同其病原也

百合一



中醫藥大學圖書館版權所有

金匱懸解卷六

昌邑黃元御坤載著

長沙徐樹銘校

外感雜病

百合狐惑陰陽毒

百合狐惑陰陽毒非同氣也而狐惑之神思迷亂有似百合陽毒之膿血腐敗頗類狐惑不同之中未嘗無相同之象而皆有表邪則同也百合之病有得於吐下發汗者有不經吐下發汗者是傷寒之變證也狐惑之病狀類傷寒是傷寒之類證也陽毒陰毒之病服藥取汗是傷寒之別證也其病氣之變現因於本氣之鬱發然非有表邪之外束則本氣何由而鬱發也此可以會同其病原也

百合一



百合病者百脈一宗悉致其病也意欲食復不能食常默默然欲臥不能臥欲行不能行飲食或有美時或有不欲聞食臭時如寒無寒如熱無熱口苦小便赤諸藥不能治得藥則劇吐利如有神靈者身形如和其脈微數每溺時頭痛者十日乃愈若溺時頭不痛淅淅者四十日愈若溺快然但頭眩者二十日愈其證或未病而預見先或病四五日而出或病二十日或一月後見者各隨證治也

百合病者傷寒之後邪氣傳變百脈一宗悉致其病百脈者六氣攸分五行不一而百脈一宗則殊途同歸悉致其病則百端俱集意未嘗不欲食復不能食常默然無語動止不安欲臥不能臥欲行不能行飲食或有甘美之時或有惡聞食臭之時如寒而無寒如熱而無熱口苦便赤諸

藥不效得藥則劇吐利不測身形如和其脈微數如是則
經絡藏府莫名其部寒熱燥溼莫名其條此有法焉其
小便溺時頭痛者水降而氣升也氣水一原在上則為氣
是謂上焦如霧在下則為水是謂下焦如瀆在中氣在
是謂中焦清氣昏蒙心緒煩亂濁氣稍降頭目猶清溺時
清氣降泄而濁氣升騰頭上壅塞是以作痛此為病重兩
月而愈若溺時頭上不痛但漸漸振慄者氣雖上升而未
變過其病頗輕四十日愈若溺時快然但覺頭眩者氣雖
上升而不至壅塞其病更輕二十日愈其溺時之證或未
病而預見或病四五日方出或病二十日及一月後而見
者各隨其病之輕重而治之也

百合病發汗後者百合知母湯主之

百合之病卽其溺時頭痛觀之是病在氣分也主氣者肺肺朝百脈百脈之氣受之於肺一呼則百脈俱升一吸則百脈皆降呼吸出入百脈開通是以肺病則百脈皆病肺氣清明則神思靈爽甘寢飽食肺氣不清則鬱悶懊懣眠食損廢矣是宜清肺肺氣清和百脈自調而其由來非一則用法不同若得於發汗之後者是汗亡肺津金被火刑也百合知母湯百合清肺而生津知母涼金而泄火也

百合知母湯 十九

百合

七枚 知母 三兩

右先以水洗百合漬一宿當白沫出去其水更以清泉水二升煎取一升去滓別取泉水二升煎知母取一升合和

煎取一升五合分温再服

百合三

百合病下之後者滑石代赭湯主之

百合病得於下之後者是下傷中氣溼動胃逆肺鬱而
熱也滑石代赭湯百合清金而泄熱滑石代赭滲淫而降
逆也

滑石代赭湯 二十

百合

七枚

滑石

三兩研
綿裹

代赭石

如雞子大
研綿裹

右先以水洗百合浸一宿當白沫出去其水更以泉水二

升煎取一升別以泉水二升煎滑石代赭取一升合和重

煎取一升五合分温服

百合四



百合病吐之後者百合雞子湯主之

百合病得於吐之後者是吐傷肺胃之津燥動而火炎也

百合雞子湯百合清肺熱而生津雞子黃補脾精而潤燥

也

百合雞子湯 二十一

百合七枚雞子黃一枚

右先以水洗百合浸一宿當白沫出去其水更以泉水二升煎取一升去滓內雞子黃攪勻煎五分溫服

百合五

百合病不經吐下發汗病形如初者百合地黃湯主之

百合病不經吐下發汗病形如初者瘀熱淫蒸敗濁未泄

百合清金而除煩地黃泄胃而下瘀濁也



百合地黄湯 二十二

百合七枝 地黃汁一升

右先以水洗百合浸一宿當白沫出去其水更以泉水
升煎取一升去滓內地黃汁煎取一升五合分溫再服
病勿更服大便當如漆

百合六

百合病一月不解變成瘡者百合洗方主之

解缺

百合洗方 二十三

百合一斤

右以百合一斤以水一斗浸之一宿以洗身洗已煮餅食
勿以鹽豉也

百合七

百病病渴不差者苦蕒牡蠣散主之

百病病渴不差者是相火刑金而津液枯槁也苦蕒牡蠣散苦蕒清金而潤燥牡蠣斂肺而止渴也

苦蕒牡蠣散 二十四

苦蕒根

牡蠣

等分
煑

右爲細末飲服方寸匕日三服

百合八

百合病變發熱者百合滑石散主之

百合病變發熱者是溼動胃逆而肺氣不降也百合滑石散百合清金而泄熱滑石利水而滲溼也

百合滑石散 二十五

百合

一兩

滑石

二兩



右爲散服方寸匕日三服當微利者止服熱則除

百合九

百合病見於陰者以陽法救之見於陽者以陰法救之見陽攻陰復發其汗此爲逆見陰攻陽乃復下之此亦爲逆凡百合病見於陰分者以陽法救之陽長而陰自消見於陽分者以陰法救之陰進而陽自退若見於陽者反攻其陰而發汗愈亡其陽此爲逆也若見於陰者反攻其陽而下之此亦爲逆也

狐惑一

狐惑之爲病狀如傷寒默默欲眠目不得開臥起不安蝕於頭爲惑蝕於陰爲狐不欲飲食惡聞食臭其面目乍赤乍白乍黑蝕於上部則聲啞甘草瀉心湯主之蝕於下部則咽乾



苦參湯洗之蝕於肛者雄黃薰之

狐惑者狐疑惶惑綿昧不明狀如傷寒而病實在裏
欲眠目不能開臥起不安飲食皆廢其面目乍赤乍
白而無定也此蓋溼氣遏鬱精神昏憤之病也溼邪
上下薰蒸浸潰糜爛肌肉剝蝕蝕於喉嚨其名爲惑以心
主藏神陽分受病清氣燔蒸則神思惶惑而不靈也蝕於
二陰其名爲狐以腎主藏志陰分受傷濁氣薰爍則志意
狐惑而不清也蝕於上部其病在心心火刑金是以聲啞
心火升炎下寒上熱甘草瀉心湯參甘薑棗溫補中脘之
溼寒芩連半夏清降上焦之鬱熱也蝕於下部其病在腎
腎脈上循喉嚨是以咽乾其前有陰器則以苦參湯洗之
後在肛門則以雄黃散薰之蓋土溼木陷鬱而生熱化生

蟲虻前後侵蝕苦參雄黃清熱而去溼療瘡而殺蟲也

土溼則脾陷而不消胃逆而不納故不能飲食君火不降

則見赤色辛金不降則見白色壬水不降則見黑色病見

上下而根在中焦總由太陰溼土之旺甘草瀉心湯

清上培土降濁狐惑之的方也

甘草瀉心湯

二十六方見傷寒太陽

甘草

四兩

半夏

半升

黃芩

三兩

黃連

一兩

乾薑

三兩

人參

三兩

大棗

十二枚

右七味以水一斗煮取六升去滓再煎取三升溫服一升

日三服

傷寒無人參

苦參湯

二十七

苦參

一斤

以水一斗煎取七升去滓薰洗

雄黃散二十八

雄黃 爲細末筒瓦二枚合之燒向肛門薰洗

狐惑二

病者脈數無熱微煩默默但欲臥汗出初得之三四日目赤如鳩眼七八日目四眥黑若能食者膿已成也赤小豆當散主之

病者脈數而無表熱鬱鬱微煩默默欲臥自汗常出此狐惑之溼旺而木鬱者初得之三四日目赤如鳩鳥之眼七八日目之四眥皆黑以肝竅於目藏血而胎火木鬱生熱內蒸而不外發故脈數而身和木賊土困故煩鬱而欲眠風木疏泄故見自汗邪熱隨經而走竅故目如鳩眼營血腐敗而不外華故目眥反黑此必作癰膿若能食者膿

已成矣以肉腐膿化木鬱鬆緩是以能食赤小豆當歸散
小豆利水而泄溼當歸養血而排膿也

赤小豆當歸散 二十九

赤小豆

三升浸令芽出曬干當歸兩

右二味杵為散漿水服方寸七日三服

陽毒

陽毒之為病面赤斑斑如錦紋咽喉痛唾膿血五日可治七
日不可治升麻鼈甲湯主之

陽毒之病少陽甲木之邪也相火上逆陽明鬱蒸而生上

熱其經自面下項循喉嚨而入缺盆故面赤喉痛而吐膿

血藏氣相傳五日始周則猶可治所謂七傳者死也

五十難

假令心病傳肺肺傳肝肝傳脾脾傳腎腎傳心一藏不再傷故言七傳者死七日肺肝再傷故致死也

升麻

雙絲精舍



北京中醫藥大學圖書館藏

金匱要略 卷六
鼈甲湯升麻甘草清咽喉而鬆結滯鼈甲當歸排膿血而
決腐瘀雄黃蜀椒泄溼而下逆氣也

升麻鼈甲湯三十

升麻

二兩鼈甲

一指大一片炙

甘草

二兩

當歸

兩

雄黃

五錢

蜀椒

汗

右六味以水四升煮取一升頓服之老小再服取汗

陰毒一

陰毒之為病面目青身痛如被杖咽喉痛五日可治七日不
可治升麻鼈甲去雄黃蜀椒湯主之

陰毒之為病厥陰乙木之邪也肝竅於目而色青故面目

青足太陽之脈上膈而挾咽喉脾肝鬱迫風木衝擊故身與

咽喉皆痛升麻鼈甲去雄黃蜀椒湯升麻甘草清咽喉而

鬆迫結鼈甲當歸破痞瘀而滋風木也



升麻鼈甲去雄黃蜀椒湯 三十一

升麻二兩鼈甲一片炙甘草二兩當歸一兩

煎服依前法

陰陽毒有表邪外束故發其汗



北京中醫藥大學圖書館版權所有

創製壽春表略收東結野其書

煎則分兩叔

長叔二兩甲

一升

甘草

二兩

一升

一升

一升

一升

長叔二兩甲

一升

一升

一升

一升

